



Usurbilgo Udala

**TOKIKO GOBERNU BATZARRAK 2016KO APIRILAREN 29AN
GOIZEKO 8:30EAN EGINDAKO EZOHIKO BILKURAKO AKTA**

BERTARATUAK:

Alkatea: Xabier Arregi Iparragirre.

Zinegotziak: Jone Urdanpilleta Urdanpilleta eta Alaitz Aizpurua Labaka.

Idazkaria: Garazi Etxeberria San Miguel.

Ezin-etorria adierazi dute: Irene Garcia Palaciosek eta Josune Estella Arranzek.

1.- GOMAVIAL SOLUTIONS, S.A. ENPRESARI, UGALDEA INDUSTRIALDEA 18A-4 PABILOIA HELBIDEAN ERABILERAZ KANPO DAUDEN NEUMATIKOAK BALORIZATZEA JARDUERA EZARTZEKO UDAL BAIMENA EMATEA.

Esp. Zenbakia: HZ.07/2015-0113

GOMAVIAL SOLUTIONS, S.A. enpresak egindako eskaera aztertu dut. Bertan, Ugaldea industrialdea 18A-4 pabiloia helbidean erabileraz kanpo dauden neumatikoak balorizatzea jarduera ezartzeko udal baimena eskatzen du.

ESPEDIENTE ZKIA: HZ.07/2015-0113

ESKATZAILEA: GOMAVIAL SOLUTIONS, S.A.

JARDUERA MOTA: Erabileraz kanpo dauden neumatikoak balorizatzea

NON KOKATUA: Ugaldea industrialdea 18A-4 pabiloia

Espedientea jendaurrean jarri zen (GAO, 58. zenbakia, 2016ko martxoaren 30a). Jendaurreko epealdian ez da inolako erreklamaziorik aurkeztu.

Eusko Jaurlaritzako Osasun Sailak berriz, 2016ko apirilaren 1ean helarazi zigun ALDEKO osasun-txostena.

Tokiko Gobernu Batzarrak 2016ko apirilaren 12an aldeko informea eman zuen.

Ondoren, Ingurugiroa Babesteko otsailaren 27ko 3/98 Euskadiko Lege Orokorrak aurreikusten duen moduan, Eusko Jaurlaritzako Lurralde Antolamendu eta Ingurumen Sailak aipatu jarduera sailkatu eta dagozkion neurri zuzentzaileak ezarri ditu.

Guzti hau kontutan izanik, Tokiko Gobernu Batzarrak honako erabakia hartu du aho batez:

ERABAKIA



Usurbilgo Udala

LEHENA: GOMAVIAL SOLUTIONS, S.A. enpresari, Ugaldea industrialdea 18A-4 pabiloia helbidean erabileraz kanpo dauden pneumatikoak balorizatzea jarduera ezartzeko udal baimena ematea, ondorengo baldintzapean:

- Aldeko Egiaztapen Akta lortu arte, inolaz ere jarduerarik ez da legeztatuko.
- Akta hori eskuratzeko, eskatzaileak alde zuzenetik Udalari eskatu beharko dio Egiaztapen hori burutzea. Eskararekin batera aurkeztuko da, Obra eta -instalazioetako Zuzendari Teknikoak egindako Ziurtapena, non zehaztuko baita aipatu instalakuntza eta obrak emandako baimenaren arabera eraiki direla. Era berean industria sailak luzatutako baimena aurkeztuko da. Baita jarduera proiektuaren beste ale bat ere.
- Baldin eta aipatu egiaztapenerako eskaera aurkeztu baino lehen, makina edo instalakuntzen funtzionamendua egiaztatzeko frogaren batzuk egin behar balira, titularrak bost egun aurretik Alkateari adierazi beharko dio, froga horren iraupena zehaztuz eta ingurua, pertsonak eta ondasunak arriskuan ez direla jarriko garantizatuz; froga horiek egiterakoan Udaletxeko Teknikoek bertaraterik izango dute.

BIGARRENA: Aurkeztutako Proiektuari egokiturik egingo dira obra eta instalazioak, beti ere, jarraian aipatuko diren baldintzekin kontraesan batean sartu gabe.

HIRUGARRENA: Neurri Zuzentzaileak. Jarduerak, Eusko Jaurlaritzako Ingurumen Sailak ezarritako ondoko neurri zuzentzaileak bete beharko ditu.

1. Erakunde Tekniko aginpidedunek oro har aplikatzeko ematen dituzten berariazko arauak bete behar dira.
2. Hondakin ez arriskutsuak tratatzeko operazioak egiteko GOMAVIAL SOLUTIONS, S.L. baimentzen duen Ingurumen Administrazioaren 2013ko azaroaren 7ko Ebazpenak ezartzen duen bezala, soilik behar bezala baimendutako hondakin ez arriskutsuak tratatzeko instalazioetan burutuko du jarduera hau GOMAVIAL SOLUTIONS, S.L.ek. Zentzu honetan, jarduera abian jarri aurretik, GOMAVIAL SOLUTIONS, S.L.ek operazio hauek egiteko asmoa dueneko instalazioei Eusko Jaurlaritzako Ingurumen Sailburuordetzak emandako hondakin ez arriskutsuen tratamendurako baimena aurkeztu beharko du GOMAVIAL SOLUTIONS, S.L.ek Udaletxean.
3. Lurzorua ez kutsatzeko eta kutsatutakoa garbitzeko otsailaren 4ko 1/2005 Legeak ezarritako lurzorua kutsa dezaketan jardueren titularren eginbeharrak betearazi beharko ditu sustatzaileak, bereziki jarduera edo instalazioa bukatu edo ixten denean lurzoruaren kalitateari buruzko adierazpen-prozedura hasteari dagokionean.

Ingurumeneko Sailburuordearen, apirilaren 25eko, 1/2013 instrukzio teknikoko hirugarren interpretazio-irizpidean deskribatutako zirkunstantziak ematen direnean (jarduera bukatu edo ixten denean), sustatzaileak



Usurbilgo Udala

erantzukizunez horrela adierazten duenean eta ingurumen organoaren aldeko iritzia existitzen denean, ez da galdagarria izango lurzoruaren kalitatearen prozedurari hasera ematea.

4. Lurren mugimenduak burutzea ekarriko duten obrei ekin ezker, jardueraren titularrak induskatuko diren materialak (lurrak, obra-hondakinak etab.) karakterizatu beharko ditu jarduera kutsatzaileraren baten eragina izan duten egiaztatzeko xedez eta, karakterizazio horren emaitzen arabera, hauek kudeatzeko bide egokiena ezarri.

Aurreko atalean adierazitako karakterizazio horretan lorturiko emaitzak Ingurumen Sailburuordetzara bidali beharko dira berauen baloraziorako, eta hori kudeaketa egin aurretik.

Lurzorua ez kutsatzeko eta kutsatutakoa garbitzeko otsailaren 1/2005 Legearen 10. artikulua dioenez, lurzorua kutsatuta dagoela adierazten duen zantzurik antzematen bada, egoera horren berri berehala eman behar zaie Udaletxeari eta Ingurumen Sailburuordetzari, horiek hartu beharreko neurriak zehaztu ditzaten.

5. Jarduerarako edo jarduera handitzeko lizentzia lortu ahal izateko, sustatzaileak lurzoruaren kalitateari buruz ingurumen-organoak egindako adierazpenaren kopia aurkeztu beharko du Lurzorua ez kutsatzeko eta kutsatutakoa garbitzeko otsailaren 4ko 1/2005 Legean araututako prozedura amaitutakoan. Horretarako, sustatzaileak prozedura horren ondoriozko baldintza guztiak bete beharko ditu; dagokion hirigintzako lizentzia eskuratu aurretik ikerketa lanak burutu, eta behar izanez gero, saneamenduko lanak egin.

Edozein kasutan, gogoratu arazi egiten zaio sustatzaileari indarrean dagoela [1/2013 Jarraibidea, apirilaren 25ekoa, aipatutako lurzoruaren kalitateari buruzko adierazpenaren prozedura, egoera batzuetan, salbuesteari buruzkoa](#). Kokapen honetan lurzoruaren adierazpenaren prozedura burutzeko salbuespena aplikatzeko exijitzen diren baldintzak betetzen direla ulertuz gero, eta puntu hori egiaztatzen duen dokumentazioa aurkeztu badaiteke, ingurumen organoari neurri hau betetzez salbuesteko eskaera egiteko aukera dago.

6. Urtarrilaren 14ko, 9/2005 Errege Dekretuko, 3. artikulua betetzeko sustatzaileak lurzoruaren egoerari buruzko aurretiazko txostena aurkeztu beharko du Eusko Jaurlaritzako Ingurumen Sailburuordetzan. Txosten hori Sailburuordetzaren webgunean eskuragarri dagoen prozeduraren arabera landu beharko da.
7. Pabiloiaren zorua iragazgaitza izan beharko da. Sarbideak zirkulazioa ahalbidetzeko beharrezkoa den denbora tarte motzengatik egongo dira irekita soilik.
8. Jarduera pabiloiaren barruan burutuko da beti eta zaratak ahalik eta gehien murrizteko eran.



Usurbilgo Udala

9. Zarata kutsadura saihesteko neurriak jarriko dira martxan, eragin akustiko txikiagoa duten teknologiak aplikatuta, kontuan izaki Eskuragarri dauden Teknikarik Onenak, hau da, teknikoki eta ekonomikoki bideragarri diren eta kutsadura gutxien sortzen duten teknologiak, eta aintzat harturik zarataren igorlearen ezaugarriak. Jarduerak Euskal Autonomia Erkidegoko hots-kutsadurari buruzko, urriaren 16ko, 213/2012 Dekretuko 51. artikuluan aipatutako zarata-foku berriei aplikatzeko muga-balioak beteko dira eta bat datorren gainontzeko araudikoak.
10. Dardarak aldameneko nabe eta lokalen egiturei transmititzea ekiditeko, beharrezkoa den makinerian dardaren aurkako elementu egokiak ezarriko dira.
11. Jarduerak sor dezakeen kutsadura atmosferikoa murrizteko eta auzokideak gogaitu ditzakeen usainik ez sortzeko, beharrezkoak diren neurriak hartuko ditu titularrak instalazioen diseinuari eta ustiapenari dagokienez.
12. Jakinarazpen izapidetzea egin behar duen atmosfera kutsa dezaketen jarduera bezala, titularrak Atmosfera kutsa dezaketen jardueretarako instalazioak arautzen dituen, abenduaren 27ko, 278/2011 Dekretuak 16. artikuluan ezarritakoa bete beharko du. Bertan jardueraren osoko edo partekako hasieraz geroztik 6 hilabeteko epea ezartzen da Eusko Jaurlaritzako Ingurumen Sailburuordetzari jakinarazpena egiteko. Behin jakinarazpena egin ondoren, titularrak izapide hori egin izana justifikatzen duen dokumentazioa aurkeztu beharko du Udalean.
13. Saneamendua banatzailea izango da eta ondo definituak eta independenteak izango diren ondoko sareak edukiko ditu:
 - Pabiloiaren estalkietako urak jasoko dituen poluitu gabeko euri-uren sarea.
 - Komunetako uren sarea. Bertako isuriak saneamendu-sarera konektatuko dira.
14. Aipatutako isurketak baino ez dira existituko.
15. Jarduerari ekin aurretik, titularrak kolektorera Isurtzeko Baimena, erakunde aginpidedunek emandakoa, aurkeztu beharko du Udalean.
16. Sortutako hondakinak, Hondakinen eta kutsatutako lurzoruen, uztailaren 28ko, 22/2011 Legean ezarri-takoaren arabera kudeatuko dira udal-araudiaren kalterik gabe.
17. Espreski debekatuta geratzen da sortutako hondakin tipologia desberdinak nahastea, nahiz arriskutsuak zein ez arriskutsuak izan. Hondakinak jatorrian banatuko dira eta aipatutako nahasketak ekiditearren hondakinak jasotzeko eta biltegiratzeko baliabide egokiak eduki beharko dira.



Usurbilgo Udala

18. Hondakinen sorkuntza ahal den heinean murriztu beharko da. Sortzen diren hondakinak uztailaren 28ko, 22/2011 Legeko 8 artikuluan ezarritako hierarkiak adierazitako lehentasunaren ordenarekin kudeatuko dira, hau da: prebentzioa, berrerabilpenerako prestaketa, birziklapena eta beste balorizazio mota batzuk, balorizazio energetikoa barne. Arrazoi tekniko edo ekonomikoengatik aipaturiko prozedurak aplikatu ezin badira, ingurumenaren gaineko eragina ekidin edo ahal bezain beste murrizteko eran eliminatuko dira.
19. Sortutako hondakin ez arriskutsuei buruz (plastiko, paper, kartoi, egur, beira hondakinak hondakin metaliko ez arriskutsuak etab.), hondakinak lehen aldiz kudeaketa-instalazio batera eraman aurretik jardueraren titularrak hondakin ez arriskutsuen adierazpena egin beharko du. Horretarako hondakinak hondakindegietan biltegitratuta eta betelanak eginda ezabatzea arautzeko, otsailaren 24ko, 49/2009 Dekretuko VI. eranskinean agertzen den inprimakia erabili beharko du.
20. Olioien hondakinak, konpresoreko purgetako urak, erabilitako hozkailuak eta orokorrean arriskutsu kontsideratutako gai/prestakinen hondakinak sortzekotan, horiek gorde dituzten ontziak, kutsatutako iragazkiak, xurgatzaileak, trapuak eta kotoiak, eta hodi fluoreszenteak, merkuriozko lanparak etab. deuseztatu nahi izatekotan, dagozkien baldintzak betez jasoko dira, hau da, Hondakinen eta kutsatutako lurzoruen, uztailaren 28ko, 22/2011 Legeak, Tresna elektriko eta elektronikoen hondakinei buruzko, otsailaren 20ko, 110/2015 Errege Dekretuak eta hondakin arriskutsuei buruzko gainerako araudian ezarritakoa jarraituz. Hondakin arriskutsu horiek biltegitratuta dauden denboran behar bezala etiketatuta egongo dira, teilatupean eta zoru iragazgaitzaren gainean eta egon daitezkeen isurketa akzidentalak atxikitzeke sistema bat edukiko dute.
21. Aipatutako uztailaren 28ko, 22/2011 Legeko 29. artikuluan ezarritakoari jarraituz, eta izaera sektorialeko gainontzeko araudiak ezarritakoaren kalterik gabe, hondakinen sortzaile aurre-komunikazioa aurkeztu beharko da jarduera abian jarri aurretik Ingurumen Sailburuordetzan. Komunikazio honen edukia Legearen VIII eranskinean aipatutakoa izango da.
22. Sortutako hondakin arriskutsuak mantenu lanetan hirugarren batzuek sortutakoak besterik ez badira, eta hauek hondakinak euren kargu hartu eta eurenak balira bezala kudeatuz gero, puntu hori bi aldeek sinatutako kontratuan agertu beharko da. Kontratu hori da uztailaren 28ko, 22/2011 Legeko 29. artikuluan adierazitako komunikazioa egitetik salbuesteko eskaera egiteko enpresak aurkeztu beharko duena.
23. Sustantzia arriskutsuen biltegitratzea euren arteko bateraezintasuna kontuan izanik egingo da. Material horiei iragazgaitz, erresistente eta eraldaezen izango den lurzoru gainean biltegitratuko da eta isurketa atxikitzeke sistema bat edukiko du.

Isurketa baten ondoren atxikitzeke kubetoak berehala hustuko dira eta isuritako likidoa leku egokian biltegitratuko da berriro.



Usurbilgo Udala

Haizea, uholdeak, euria edo ibilgailuen joan-etorrien ondorioz produktuak biltegi gunetik kanpora arrastatzea edo isurtzea ekiditeko beharrezko neurriak hartuko dira.

24. Likido kutsakorren isuriak sor ditzaketen makineria eta instalazioek likido horien atxikipenerako sistema estanko bat eduki beharko dute eta hauen ekintza fisiko eta kimikoari eutsi. Sistemaren bolumena atxikiko dituen likidoek gainezka egitea ekiditeko adinakoa izango da. Kubetoan atxikitako isurketak sortzen direnean jasoko dira, eta aurreko neurrian deskribatutako baldintzetan biltegiratuko dira kudeatzaileak jaso arte, horrela kubetoa uneoro hutsik eta funtzional egon dadin.
25. Garbiketa, konponketa eta instalazioen bestelako mantenu lanak, hondakinen, isurketen edo emisioen sorrera murrizteko eran burutuko dira.
26. Titularrak berehala informatu beharko dio Administrazioari kanpoko ingurunea kutsa dezakeen istripu edo jazoerarik ematen bada.
27. Suteen aurkako neurriek erakunde eskudunak ezarritakoa jarraituko dute.
28. Proiektuan jasotzen diren zehaztapen eta neurri zuzentzaileak derrigorrez bete beharko dira, beti ere aurrez aipatutako neurrien aurka ez doazenean.
29. Txosten honetan ezarritako neurri zuzentzaileak aurkeztutako proiektuari buruzkoak dira, jardueraren funtsezko edozein zabalkunde edo aldaketa izapidetu egin beharko da, horretarako Udalean dagokion izapidetzea egin beharko delarik, dagokion lizentzia lortu xedez.
30. Txosten hau eta honen ondoren udaleko sailkatutako jarduera lizentzia emateak ez die amaiera jartzen sustatzaileak aintzat hartu behar dituen ingurumen arloko eginbeharrei. Horrela honek, bere jarduera funtzionamenduan mantentzen den denboran zehar, hasieran baimendutako jarduera egokitu egin beharko dio indarrean sartzen doan, eta aplikaziokoa zaion, araudi berriari.

3/1998 Legearen, otsailaren 27ko Euskal Herriko Ingurumena Babesteko Lege Orokorra, 59.2 atalak agintzen duenez, zuzenketak ezartzeak Udal-Agintaritzaren behartu egiten du, honek jardueraren lizentzia emateko administrazio ekitaldian sartu behar dituelarik. 64. 1 artikulua araberak Udalei dagokien jardueraren sailkatuak ikuskatzeko eta kontrolatzeko eginkizunak eraginkortasunez gauzatzeko eskumena.

LAUGARRENA: Aldez aurretik ondorengo Udal zerga ordainduko da:

- Obra eta Instalazioen zerga
- Argitalpenak



Usurbilgo Udala

BOSGARRENA: Obra amaitutakoan, ekoizleak eraikuntza eta eraispen-hondakinak behar bezala kudeatu izana egiaztatzen duten agiriak aurkeztu beharko dizkio Udalari.

SEIGARRENA: Euskararen Udal Ordenantzaren 41. atalak dioenari jarraituta, obra garaian beharrezko diren trafiko seinale eta iragarpenak euskaraz jarriko dira.

ZAZPIGARRENA: Lege arau eta ordenantzen arabera, obra egiteko baimenak balioa izatekotan, baimenduak bete beharreko baldintza orokorrak hauek dira:

- Eraikuntzako Ordenantza orokorrak beteaz egingo da obra
- Obra egin bitartean inor kaltetuz gero, ezingo du baimenaz baliatu kalteen erantzukizun zibila ekiditeko
- Indarrean dauden lege eta ordenantzen araberako segurtasun neurriak beteko dira.
- Baimen hau hirugarrenen kalterik gabe eta jabetzaren salbuespenean ematen da.

ZORTZIGARRENA: Jardueraren errotulazioa euskaraz jarriko da, udal honek Euskararen erabilera normalizatzeko onartuta daukan udal ordenantzaren arabera; hala eskatuko balitz, udal honek horretarako beharrezko laguntza teknikoa eskainiko du.

BEDERATZIGARRENA: Erabaki honen berri interesatuari eta Kontuhartzaitzari ematea.

Eta eztabaidarako gaiak amaiturik, alkateak batzaraldia bukatutzat eman du, goizeko 8:40etan bilera agiri hau jaso da, batzordekideek izenpetuz eta nik, idazkariak, ziurtatuz.